

प्रशंसा

श्री. प्रज्वल. माहास्वामि. अश्वघोष मते.



श्रामणेर महेन्द्र

प्र प्रशंसा सा

लेखक

श्रामणेर महेन्द्र

सुन्नि बिहार, ख्वप

७-२५१०

Dhamma.Digital

प्रकाशक स्वयं

‘प्रशंसा’ सफू छापे यायेत गुह्याली बिया बिज्यापि

यक बज्र बज्राचार्य भ. पु. भार्वाच इताछे त्वा	
कुलबज्र बज्राचार्य " " "	
दुरूकाजी बज्राचार्य " तौमदि त्वा	१५१-
स्वयम्भूकाजी बुद्धाचार्य जेतवन विहार	१०१-
शील तारा शाक्य काठमाडौं, चिकंमुगल	
लक्ष्मी शोभा बज्राचार्य भ. पु. तौमदि टोल	
सरश्वती शोभा बज्राचार्य " "	

Dhamma.Digital

नमो तस्स भगवतो भरहतो सम्मा सम्बुद्धस्स

बुद्धं सरणं गच्छामि, धम्मं सरणं गच्छामि,
संघं सरणं गच्छामि ।

मन्नो पुक्खङ्गम्मा धम्मम्मा-मन्नो सेट्टा मन्नोमया
न्हागु अवस्थाससं मन न्हापालाक वनीनु उकिं मन मुख्य जुल ।

पञ्चशील

पञ्चशील धयागु न्हागु क्षेत्रे नं पालन याय् मागु खः । ध्वीका
सीका पालन याय् मागु नियम खः । लोमंक्य मज्जू ।

१) प्राणी घात यायगु कर्म मयायगु शिक्षा पालन (ग्रहण)
याय् ।

२) खुया कायगु ज्या मयायगु शील पालन याय् ।

३) परस्त्री-परपुरुष सेवन मयायगु शील पालन याय् ।

४) असत्य खं ल्हायगु बानि तोतेगु शील पालन याय् ।

५) अय्ला र्वे आदि काययोगु पदार्थ मत्तनेगु शील पालन

याय् ।

स्वर्गीय पूज्यवर गुरु चन्द्रमणि महास्थविर भन्ते या श्री चरणे
बसपोल गुरुया शिष्यपि फुकसितं सादर कोटि कोटि कोटि, वन्दना
वन्दना ।

(२)

दकसिबे थकालिम्ह पूज्यवर प्रज्ञानन्द महास्थविर भन्तेया चरणे
पूज्यवर भिक्षु महासंघ भन्ते पिनि चरणे सादर वन्दना, वन्दना, वन्दना ।

पूज्यवर महास्थविर अमृतानन्द भन्ते नं अनुवाद याना बिज्यागु
बुद्धकालीन सफूत स्वेखना साप लय्ता वो ज्ञान लाभ याय् खन । वस-
पोलयात नं बारम्बार वन्दना ।

पूज्य सुबोधानन्द भन्ते नं सत्त बोध्यङ्ग धैगु सफू च्वया बुद्ध
धर्मया प्रचार याना बिज्यात वसपोलयात वन्दना दु ।

पूज्यवर महास्थविर बुद्धघोष भन्ते नं अनुवाद याना बिज्यागु
'धर्म नगर' धयागु सफू श्रामणेर संघरत्तं प्रकाशन यागु खः । उगु
सफुती उपासक उपासिकापि कर्म रूपी धयबा ज्वना पसः वपि धका
धया तगु खना जिगु मन यात साप आनन्द जुल । वसपोल यात नं
वन्दना ।

पूज्यवर प्रज्ञारश्मि भन्ते नं अनुवाद याना बिज्यागु मातापिता
सेवा यागु सफू खना माँ बौया गुण अनन्त धका ध्वीका कया । थुगु
सफुती भगवान बुद्धं माँया सेवा यागु खँ दु । सिद्धार्थ कुमार जन्म
जुया न्हेनु दुखुनु माँ महामाया देवी स्वर्गवास जुया बिज्यात । लिपा
भगवान बुद्धं बोधिज्ञान प्राप्त याय् धुंसेली थःम्ह माँयागु गुण लुमंका
तावतिस भुवने बिज्याना थःत प्राप्त जूगु चतुआर्य सत्यया बारे धर्म
देशना याना बिज्यात । थुकथं माँया पुण्य स्मृतिस बुद्धं बःगु कर्तव्य
पालन याना बिज्यात ।

बुद्ध ज्वी धुंका थः बौ सुद्धोदन महाराजया प्रति नं करुणा तथा
कपिलवस्तु बिज्याना उपदेश बिया स्रोतापत्ति फले प्रतिष्ठित याना दुःखं

(३)

मुक्त ज्वीगु अतुआर्यं सत्य व मागं च्यागू खं कना बिज्यात । अनं लिपा सकदागामी मार्गे नं ध्यंका बिज्यात ।

पूज्य रत्नज्योति महास्थविरया कृपां जि म्हासु वसन्न (चीवरं) पुना च्वने दुगु खः । वसपोलया आज्ञानुसार कुशी नगरे वना चीवर पुना वयागुलि जिगु इच्छा पुरे जुल । उकि पूज्य रत्नज्योति भन्ते यागु गुण गुबलें नं लोमके फैमखु ।

बनेपाय चैत्य पूजा

पूज्य अश्वघोष महास्थविरं बनेपाय ध्यानकुटी देका, ध्यानकुटी अध्ययन मण्डल पाखें एकादशि पत्ति चैत्य पूजा न्यायका धर्मया चेतना दयेका बिज्यात । धौख्यले नं चैत्य पूजा न्यायका बिज्यात । अन चैत्य पूजा यायत अनया प्रधान पञ्च प्रमुख स्थानीय गण्यमान्यपि तथा कमिटि छगू च्वंबले न्हूगु विहारया नां पूर्वाराम विहार घका तथा बिज्यात ।

चैत्य पूजा पत्ति अनगारिका धम्मवति पाखें बुद्धया शिक्षाया बारे उपदेश न्यना मनुत साप प्रभावित जुया च्वंगु दु । उकि वसपोल नं धन्यवादया पात्र जू ।

जि वहे धौख्यया न्हूगु विहारे स्वंगु वर्षावास च्वने धुन । ख्वपया मुनि विहारे निक वर्षावास जुल । खजा श्रामणेरे पिनिगु नियम अनुसार वर्षावास च्वनेमा धयागु मडु । उकि वर्षावासया छुं मू मडु ।

२०२१ साले स्वयम्भू ज्ञानमाला भजन खलया पाखें तीर्थ यात्रा न्यायकु बले पूज्य सुदर्शन भन्ते नाप व २०२६ साके तीर्थ यात्रा न्यायकु बले अजन्ता, अलोरा व बम्बै शहर ^{31/4/21} दर्शन यात्रा वयागुलि विरक्त व वैराग्य

भाव पहि वया च्वंगुलि गृहस्थी जुया च्वनेगु मती मदया २०२७
साले प्रत्रज्या प्राप्त यानागु खः ।

चैत्य पूजाया महत्त्व

छगू समय श्री शाक्यमुनि भगवानं बिम्बिसार महाराजां
प्रार्थना यागु अनुसार वर्षावास च्वना बिज्यागु वचन बिया बिज्यात ।
अनं लिच्छवीते वैशाली देशे च्वंगु स्वंगु प्रकारया दुभिक्ष शान्त याना
अनंलि द्वंगाय च्वना गंगा पार तरे जुया वना वेणुवन विहारे च्वना
बिज्याना च्वंगु अवस्थाय भिक्षु पिनि परस्पर भगवान बुद्ध यागु गुण
वर्णना जुया च्वन ।

अहो ! धन्य खः बुद्ध भगवान यागु प्रताप । अहो धन्य !
शास्ताया प्रति देव मनुष्य पिनि चित्ते गुलि प्रसन्नता दुगु । कीथाय
भगवान बुद्ध बिज्याइन धका राजापिसं च्यागू योजन तक ले माथं
वंक फि लायके बिल । हानं पुलि पुलि तक नाना प्रकार यागु स्वां
लाया तल । गंगा नदीया लखे द्योने नाग पिनिगु प्रभाव पञ्चरंगी
पलेस्वां नं पूर्ण जुयाच्वन । अकनिष्ट देव भुवन थ्यंकं तनंतं तनंतं छत्रत
चिना क्वीकल । दया च्वक्क चक्कवाल फुकं छगू हे चुक यागु प्रमाण
थे चल्लम चल्ला जुया महाउत्सव जुल । इत्यादि

भिक्षुपिनि थुगु प्रकारं खँ जुया च्वंगु बख्खते हे अन भगवान
थ्यंक बिज्यात । बिज्याना छिमि छु खँ जुया च्वन धका भिक्षु पिके
न्यना बिज्यात ।

(५)

अले भिक्षुपिसं जिमि यथे खँ जुया च्वन भन्ते धका जूगु खँ कन ।

भगवानं यथे आज्ञा जुया विज्यात । हे भिक्षुपिं, ध्व पूजा सत्कार आदि जिगु (बुद्ध यागु) प्रतापं दुगु मखु. नाग ब्रह्मा पिनिगु प्रभावं दुगु नं मखु । ध्व जा जि अतीत काले छुं भतीचा त्याग याना चित्त शुद्ध याना चैत्ययागु सेवा भक्ति यानागु प्रभावं दुगु जुल ।

अन भिक्षुपिसं अतीत कालयागु वर्णन न्यनेगु इच्छा याना भगवान याके प्रार्थना यात । भगवानं नं अतीत यागु खँ हया धया विज्यात ।

अतीतकाले तक्षशिला धंगु थासे शंख धम्म ब्राह्मण छम्म दया च्वन । वहे ब्राह्मणया सुसीम धम्म पुत्र छम्म नं दु । व सुसीम कुमार किखुदँयागु उमेरे बनारसे विद्या बोंवने धका बौयाके बिदा कया विद्या बोंवन । बुद्धि वानमह जूया निति याकनं हे विद्यां पारंगत जुल । अन सुसीम कुमार विद्यायागु आदि मध्य जकं सिल अन्त मस्यु ।

उकिया निति गुरुयाके व खँ न्यन । गुरु म्हसे नं जि स्युगु थुलि हे जक खः जिनं आदि व मध्य जकं स्यु, अन्त मस्यु धका धाल ।

अनलि ऋषिपत्तने ऋषीपी दु अमिसं स्यु धका धागु न्यना अन वना ऋषी पिंके न्यन -

भन्ते छल्पोल पिसं विद्या यागु अन्त स्यूला ?

ऋषी पिसं धाल - स्यु ।

सुसीम- अथे जुसा जित सेना बिया विज्याहुं ।

ऋषीपिसं धाल— प्रव्रजित मजुनि पित्त सेना बीगु जिमि दस्तूर मडु । यदि छि विद्या यागु अन्त सीकेगु जुसा प्रव्रजित जु ।

सुसीम— ज्यु धका अनहे प्रव्रजित जुल । अनलि ऋषीपिसं वंत न्हापालाक शील नियम यागु शिक्षा नि बिल । पूर्व जन्म यागु पुण्ये सस्कार दुम्ह जुया निति उगु शिक्षा फुकं सेका सीका शील पालन याना याकनं हे प्रत्येक—सम्बोधि ज्ञान प्राप्त याना काल ।

सुसीम यागु विद्या, शील यागु गुणं आकाशे पुर्णं चन्द्र प्रकाश जुयेंतुं सुसीम नं काशी देशे दकभनं आदर सत्कार मान पूजा दुम्ह जुया प्रख्यात जुयाच्चन । तर आयु आपा मदंगु कर्मं याना वोगु जूयानिति ताकाल मदुवं परिनिर्वाण जुल ।

अन सकल प्रत्येक बुद्धिपि व महाजनपि जाना वसपोल सुसीम प्रत्येक बुद्ध यागु शरीर यात सत्कार याना अस्थि धातु तथा नगर द्वारे चैत्य देका प्रतिष्ठापित याना बिल ।

उखे तक्षशिलां शंख धैम्ह ब्राह्मणया जिम्ह पुत्र सुसीम विद्या बीवंगु ताकालं दत, आतले छुं नं खबर मबो धका बनारस पाखे पुत्र नापला वने धका छ्ये प्याहाँ बल । क्रमशः वना बनारसे थ्यंसैली महाजनपि मुनाच्चंगु खना अवस्यनं थुके छम्हसें मखू छम्हसें जा गथे मसी धका महाजनपिनि न्ह्योने वना न्यन—

“भो महाजनपि । थन सुसीम धैम्ह कुमार छम्ह विद्या व्वने धका वोगु दु, छिकिपिसं स्युला ?”

(७)

महाजनपिसं- “खः हे ब्राह्मण वोगु दु जिमिसं स्यु फलानाम्ह
गुरु याथाय् वेद ब्वना ऋषिपिथाय् प्रव्रजित जुया प्रत्येक सम्बोधि ज्ञान
प्राप्त यानाली परिनिर्वाण जुया बिज्यात । वसपोलयागु अस्थि-धातु
तया चैत्य देका प्रतिष्ठापित याना तगु ध्व हे ख घका क्यना बिल ।”

अन व बौम्ह ब्राह्मण काययागु गुण वर्णन या नाप नापं परि-
निर्वाण जुगु खँ न्यना मात्र काय् यागु मायां विरह थामे याय् मफया
अनहे भुमी भाराक्क गोतुला छटपटे जुया ग्वारा ग्वारा टुला तस्सक
ब्वल । ब्वल्लवं “धन्य जि काय्, प्रत्येक बुद्ध ज्वी धुं कुम्ह’ धाधां चित्ते
श्रद्धा उत्पन्न जुया चैत्य या जः खः सुघर सफा ज्वीक घाय् पुया थगु
गां फि ल्हया हया फि लाया कमण्डले च्वंगु लखं हाहा याना, चैत्य
छगलं यच्चुसे पिच्चुसे च्वंक सफा याना जंगले वना स्वां कया हया
थासे थासे स्वां ब्वया पुष्प पुजा याना थगु गा यागु पताका व्वेफा
थगु कुसां चैत्य यात क्वीका, अतिकं हे श्रद्धा तया भक्ति पूर्वक पूजा
भाव याना वन्दना याना ल्याहांवन ।

धुलि भगवान अतीत यागु खँ कना बिज्यात ।

हानं भगवानं हे भिक्षुपि । उगु बखते शंख धैम्ह ब्राह्मण
जि हे खः । उगु बखते जि ‘सुसीम’ धैम्ह प्रत्येक बुद्ध यागु चैत्य
आदर पूर्वक घाय् पुया सफा यानागुया पुण्यं आः जित च्यागु योजन
तक ले कँ, लोहँ, फार-पात थय्या क्वथ्या मदेक शुद्ध समतल याना
बिल । जि अन चैत्य स्थले फि लाया बियागुया पुण्यं आः जित च्यागु
योजन मार्गे फि लाया बिल । जि अन गुँइ यागु स्वां हया पुजा यानागु-

या पुण्यं, आः जित च्यागु योजन तक ले नाता प्रकार यागु स्वां नं परिपूर्ण जुल । छगू योजन प्रमाणं गंगा नदीयागु लखे पञ्चरंगी पलेस्वां नं परिपूर्ण जया च्वन । जि अन कमण्डल यागु लखं यच्चुसे पिच्चुसे चोंक सका यानागुया पुण्यं, अतिकं हे दुर्गन्धीगु फोहर जया चोंगु बैशाली नगरे जि वनेत वर्षा वृष्टि जया परिशुद्ध जुल । जि अन पताका ब्वेक कुसां ब्वीकागुया पुण्यं, आ जित अकनिष्ट देव भुवने ध्यंक ध्वजा पताकादि छत्रतनं तं तथा ब्वीकल, थुगु प्रकारं दया च्वक्क चक्रवाल फुकं छगूहे चुकथे चल्लम चल्ला जया छगूहे उत्सवथे जुवावन । हे भिक्षुपि ! थुजोगु प्रकारं अतीत काले जि छं भतिचा त्याग याना चैत्य यागु सेवा भक्ति यानागुया पुण्यं जित ध्व सत्कार जुगु खः, बुद्धयागु आनुभावं जूगु मखु धका भगवान् आज्ञा जया बिज्यात ।

उकिया निति ध्व लोके (ध० अ०) भक्ति यायिपि भक्त जनपिसं भक्ति यायगु वुखते श्रद्धा चित्तं गौरव याना आदरपूर्वकं याज्ञ धासा महाफल प्राप्त जुई ।

प्रार्थना

प्रभु शास्ताया चरणे शरण वया ।

जित पार लगे यानाव्यु भगवान् ।धु।

गृही जाल फुकं तोता शरण वया ।

छपिगु पालिया कोसं शरण वया ।धु।

(९)

मनया बंहीली भगवान स्वना ।

जितपार लगे याना बिउ भगवान ॥धु॥

अनित्य जीवन त्याग याना ।

प्रभुया चरणे शरण वया ॥धु॥

जित पार लगे याना न्यु भगवान ।

छय् छय् चैत्य पूजा

श्री बुद्धरत्न बुद्धाचार्य, विश्वलक्ष्मी बुद्धाचार्य व दानमाया वज्र-
चार्य दाता पिनिगु श्रद्धा कथं भक्तपुर जेतवने विहारे सत्हुपति श्रामणेर
महेन्द्रया निर्देशने पक्षे चैत्य पूजा जुया च्वंगु स्वदे व स्वलां मयात् ।

कीसं नमवाइम्ह द्योया सेवा यायगु सिबे नवाना बिज्याइम्ह
द्योया सेवा यासा हे याकनं कीत फल प्राप्त जुइ अवश्य ।

कीगु जीवने भिगु लँपुइ यंका स्यने कने याना बिज्याइम्ह
गुरु हे कीम्ह द्यो खः ।

जीत कीगु जीवने ह्वे आदि बिघ्न शान्त याना बिइम्ह
डाक्टर बैद्य हे कीम्ह द्यो खः ।

कीत आपत परे जुइबेले उपकार याना दुःख तरे याना बीइम्ह
हे जीम्ह द्यो खः ।

कीगु जीवने नये पित्याइगु तंका बिइम्ह हे करुणावानम्ह
की द्यो खः ।

की मनुखं मनूया गुण यात प्रशंसा याय्गु हे मनूया कर्तव्य
खः ।

प्रश्न उत्तर

धुकिया नां नासःशिद्धि धका छाया धया घासा गुम्हसिके शिद्धि
दई वयात नासःशिद्धि दुम्ह धका धायगु ठीक जू धाइ ।

नासःशिद्धि गथे याना दयेकेगुले ? गुम्हेसिनं शील शुद्ध
रूपं पालन याइ वया नासः शिद्धि अवश्य दई ।

भाग्य जक दतसानं वया छुया धन्दा धका छगू श्लोके च्वया-
तगु दु मखुला ? खः । भाग्य गथे याना दयकेगुले ? नियम आचरण
बांलामेस्या भाग्य दै ।

गृहस्थी परिवारया परिचय

थःगु गृहस्थीया खं छत्वाचा न्हायने तेना । थ्व छुं मस्युम्ह
श्रामणेर यागु खं खः ।

जि (श्रामणेर महेन्द्र) गृहस्थीया परिवारया जन्मदाता बी
मानकाजी बुर्खाचार्य माँ सूर्यमाया । अबुया जन्म १९५१ साल
बैशाख पुन्ही खुनु जुल । स्वर्गवास २००१ साल विजया दशमी
एकादशि खुनु जुल । माँ परलोक जूगु २००५ साल मातातीर्थ चरे
खुनु खः । जिगु गृहस्थीबले यायगु ज्या लुकुमि खः । केहेपि निम्ह
दु- छम्ह अनगारिका जुया सुमित्रा नाँ जुल । आ किंदोल विहारे च्वं

चवन । मेम्ह केहे गृहस्थी च्वंच्वम्ह पूर्ण शोभा भक्तपुर तीमा छे टोले च्वं चवन । किजापिं स्वम्ह मध्ये छम्ह संघरत्न श्रामणेर जुया यलयया सुमंगल विहारे च्वना बिज्यात । मेपिं निम्ह गृहस्थी प्रेमरत्न भोटया तीन दुवाते च्वं चवन । मेम्ह किजा काठमाडौं बाङ्केमुडा खिल टोले ^{गर्जन} गृहस्थी बलेयाम्ह जहान उपासिका दानमाया भक्तपुर जेतवन विहार । गृहस्थी बले याय्ह काय अमेरिकामान भी शील शोभा, चीधिकम्ह काय राजेन्द्रमान छे तोता वना बेपत्ता जुया च्वंम्ह । गृहस्थी बलेया छर्यपिं-नरेन्द्रमान, सुवर्णमान, अमृत शोभा, सुजाता, रमिता ।

कार्यपिं छर्यपिं दत्त । इपिं थःगु तुति च्वी फत्त । धर्म कर्म याना त्यागी जुया संसारिक दुःखं (कंफटं) पार तरे ज्वीगु मेगु जीवने ज्वी हे मखु । थ्व हे मनुष्य धायका जन्म जुया बले थःगु लँपु तप्यंके माः धका गृहस्थी जीवन तोता (त्याग याना) ५५ वर्षे श्रामणेर प्रव्रजित जुया ।

गुलि बाज्या, अजिपिं व माँ-बौ देह तोता स्वर्गवास जुया वन धास्यंलि थगु नं ला छन्हु मखु छन्हु अवश्य पा वइहे तिनि धका मती वया २०२७ साल श्री पंचमी खुनु छे त्याग याना । पूज्यवर गुरु चन्द्र मणी महास्थविर भन्ते याथाय कुशीनगरे वना प्रव्रज्या पवना ।

वसपोलं वहे २०२७ साल फागुण २७ गते बिहीबार होलिपुन्ही खुनु जित चीवर पुंका श्रामणेर महेन्द्र धका नां छुना प्रव्रजित याना बिज्यात । महेन्द्र नां न्यनेवं अबले जिमि राष्ट्र नायक महाराजाधिराज

या नां नं महेन्द्र खः धका धयाबले गुरु तःसकं आहा ! हा हा हा
हा हा धका खुसि जुया न्हिला बिज्यात ।

श्रामणेर ज्वी धुनेवं ओवाद अनुशासन याना बिज्याम्ह बर्मा-
याम्ह ज्ञानेश्वर भन्ते खः । वसपोलं जिगु नां व प्रव्रजित जुयागु मिति
चवया बिज्यागु परित्राण सफुती खः । व परित्राण सफू न्ह्याबले ज्वना
न्हिन्ह परित्राण पाठ याना च्वनागु दु ।

प्रव्रजित जुया स्वला तक कुशीनगरे व लुम्बिनी च्वना बले
पूज्य महास्थविर अनिरुद्ध भन्ते न जित श्रामणेर विनय स्यना
बिज्यात । वसपोलं महोसध पण्डित यागु किताब छगू बिया बरां न
पोला न धका न्ह्योने तया बिज्यात । बरां न नं महोसध जातक सफू व्वना
अले दोहँचां मचा व्वीकुगु प्रश्न पिहाँ वलं । वहे खँ छत्वाचा थन च्वया
च्वना ।

छन्हुया दिनस बिदेह जुजुं मङ्गल दोहँचा छम्हसित मचा
प्वाथे दुम्ह साचार्ये च्वक तःसतं वायु बढे ज्वीगु कयगु आदि बू बः
प्वा त्यक नका मचा व्वीके त्यम्ह सा थं च्वक प्वा फुले याका, न्यकू
निपुतीसं ल्हातं बुत्तु व्वीका, उकी चिकनं पाका, म्ह छम्हं हलू चिकन
व्वीका “जुजु यागु आज्ञा पूर्व गीया गावले तस्ये सीकेया निति छिपि
गावलेत आपालं प्रज्ञावानपि धाःगु ताया । उकि ध्व प्वाथे दुम्ह दोहँ-
चित्तं मचा व्वीका, मचा समेतं दोहँचित्तं जिथाय कुशल पूर्वक हया बी
मालं । दोहँचिया मचा व्वीका हया बी मफत धाःसा दोछि साइ दां
दण्ड ज्वी ।” धका पत्र च्वया दोहँचा नाप्यं पूर्वगामे बिया छोया

बिज्यात । गां यापि मनुतसें थुक्रियागु कल्पना यानां याम् मफया
बोधिसत्व कुमार याथाय वना थुक्रियागु लिसः न्यवन ।

बोधिसत्व कुमारं जुजुयागु आज्ञा पत्र व दोहँचा खना— “थुगु
प्रश्नयात जुलसां हानं जुजु याके लिकथं प्रश्न याःसां हे जक जवाफ बीगुं
दै ।” धका मत्ती ल्वीका— “हे ग्रामवासीपि ! छिमिथाय् जुजुनाप
मग्यासे निर्भीकरूपं जवाल सवाल याय् सःपि सुं दु ला ?” धका न्यना
‘अःपुक हे दै कुमार’ धागुलि वैत सःतके छवत । व बीरम्ह मनु
न्होने थ्यंक वयेव हे पुरुष छ जुलसां सँ फँ फँ तथा छाती ल्हातं दाया
ततःसतं विलाप याना जुजुया ध्वाकाय् न्होने हँ । मेमेपिसं न्हाको हे
न्यंवःसां छुं हे लिसः बी मते । जुजुं तायका थःथमं हे वया न्यं वयेव
जक जिमि बौ आश्चर्यं ज्वीक मचा ब्वीके मफया सास्ति नया च्वंगु थनि
न्हेनु दत । छलपोल जुजु जिमि मालिक स्वामि खः । उकिं बित्ति या
वया च्वना । जिमि बौन याक नं मचा ब्वीके फँगु छुं उपाय दःसा
याकनं कना बिज्याहँ महाराज ! धका बित्ति या ‘उगु समयस जुजुं
जुलसां— “छ छु वें जुलला ? छाय् थये विलाप याना खबया
च्वनागु ? मिजं तय्सं मचा ब्वीकी धयागु दस्तुर मदु, जि गबलेसं
न्यने नं मनं धका निश्चय नं जुजुं उजुं दयका बिज्याइ । अये
उजुं दयका बिज्याइबले छलपोलं आज्ञा जुया बिज्यापि मिजंपिसं
मचा ब्वीकेगु दस्तुर मदुसा, पूर्व गां यापि गामा तसें दोहँचां गये
याना मचा ब्वीका हये फँ ? महाराज ! धका बित्ति या धका
खँ स्यना छोय्व बीरम्ह पुरुषं नं छलपोल महाजन कुमारं स्यना छोया

(१४)

बिज्याथं जि जुजुयात बन्ति यावनेगु जुल । धका जमान याना बोधि-
सत्व कुमारं स्यना छोथे तु वना विदेह जुजुयात बन्ति यात । अले
जुजुं थ्व लिकथं न्यनेगु प्रश्न सुनां स्यना हःगु ? धका न्यनेव महा-
जन कुमार महोसधं चिन्तना याना स्यना हःगु खः धका बन्ति यागुलि
जुजु जुलसां अत्यन्त प्रसन्न जुया बिज्यात ।



प्रश्न उत्तर

अयं पासा धर्म धयागु गज्यागु धौथें ताकुगुला दुरुथें
व्वालुगुला अर्थात् मलाईथें पाँय् पाँय्गुला, धर्म याम्हसिया म्हय्
म्हय् धर्म किना च्वंगु दुला गज्यागु खः पासा ? जित छक
मोतामोति हिसावें थुइका व्यूसा महा उत्तम जुइ ।

अथे जुसा पासा जिं स्यूथें संचिप्तं छकुचा धाय् त्येना
बांलाक मन तथा न्यना दिसँ सा ज्यू ज्यू पासा धया दिसँ ।

सब्बपापस अकरनं कुसलस उपसंम्पदा सचितपरियो दपनं-
एतं बुद्धान सासनं ।

धका धमपद किताव खय् च्वया तगु द-धमपद किताव
छक स्वया दिसँ । पाप मयाय्गु, कुशल मुंकेगु, थःगु चित्त
परिशुद्ध याय्गु थ्वहे (न्हापां निसें यागु) बुद्धपिनिगु उपदेश
खः । थुलला पासां । पुण्य कार्य याना जुह्यात सदानं कल्याण
जुई । कल्याण जुई धयागु गज्यागुले उलिनं मस्यूला मस्यू थ्व
जन्म शरीर तोता वनेवं स्वर्गवास लाइगुका सिलला पासा । स्वर्ग
धयागु गनले स्वर्ग धयागुला पासा म्ही बाज्या अजिपिं च्वना
च्वंथाय्का आला सिलला पासा, बाज्या अजिपिं गबले नापा-
ला गुले नापालाई तिनि धन्दा काय् म्वा म्ही वहे लँय् वना
च्वनागु खः ।

अनागारिका आश्रम अज्यापित धन्यवाद

मौका धयागु बारंबार वइमखु धयागु सिइका- मनुष्य धाय्का जन्म जुया च्वनाबलेहे थःगु लँपु तप्येका भवभोगं सम्पति यात त्याग याना परिभोग सम्पति माला विज्यापित धन्यवाद अर्पण याना ।

प्रचार

श्रा. महिन्द्रया गृहस्थिया चिधिह्न काय् राजेन्द्रमान शाक्य २०२८ साल आश्विन १८ गते रोज २ विजया दर्शै पुन्हि खुनुं वेपत्ता जूगु खः वर्ष १८ दुह्न एस. एल. सी. फाइनल खय् २ वर्ष फयल जूगु खः वहे सरम चागुला धैथे च्वं छैनं पिहाँ वना लच्छिया भित्रे निगू चिठी वल इलाहावाद व जि बम्बैले धयन धका । अतं निपेँ दुं खबर मदुगुलिं सुं धर्म पासार्पनिगु पाखे खबर न्यने दैला धका आशा याना च्वनाह्न व मचाया मां दानमाया उपासिका खः व मचाया दाजुह्न अमेरिकामान उपासक खः सुयागु पाखे व मचायागु खबर हया व्यूह्न यात थःगु औगात अनुसार पुरस्कार च्हे याये धका मति तथा च्वनागु दु ।

जेतवन विहार, भक्तपुर, नेपाल